



SIUNNERSUUT

Qamuteralaat pillugit ileqqoreqqusaq

Nunaannarmi kiisalu illoqarfiit nunaqarfiillu killeqarfiini assartuutunik motorinik ingerlatilinnik atuineq.

Assartuutit motorinik ingerlatillit atorneqarneri pillugit Namminersorlutik Oqartussat nalunaarutaat nr. 10, 10. oktober 2013-imeersumi § 6, § 7, imm. 2, § 9, imm. 1, aamma § 12 naapertorlugit aalajangersarneqarpoq:

Atuuffissai nassuiaatillu

§ 1. Ileqqoreqqusami Kommuneqarfiik Sermersuumi illoqarfiit nunaqarfiillu killeqarfiini kiisalu nunaannarmi assartuutunik motorinik ingerlatillit atorneqarneri pineqarput.

Imm. 2. Ileqqoreqqusaq ukunani atorneqassanngilaq:

- 1) Sermersuarmut serminullu sermersuarmiit iigarfiusartunut angalanermi.
- 2) Nunaminertamik atuisarneq aamma pilersaarusionerq pillugit Inatsisartut inatsisaat atuuttoq naapertorlugu atuisussaataitanermik nalunaaruteqartariaqartumik aqqusinerni, unittarfinni narsaatinilu il. il. angallanneq.
- 3) Inuussutissarsiuutigalugu nersutaateqarnermik ingerlatsinermut atatillugu angallanneq nalunaarummut matumunnga ilaatinneqanngillat.
- 4) Nakkutilliinermut oqartussaasut avatangiisinik pinngortitamillu nakkutilliinerannut, annaassiniarnernut, politiit paasiniaanerinit, sakkutuut suliaqarnerinit assingusunullu atatillugu angallannerit nalunaarummut matumunnga ilaatinneqanngillat.
- 5) Nakkutilliinermut oqartussaasut avatangiisinik pinngortitamillu nakkutilliinerannut, annaassiniarnernut, politiit paasiniaanerinit, sakkutuut suliaqarnerinit assingusunullu atatillugu angallannerit nalunaarummut matumunnga ilaatinneqanngillat.

Imm. 3. Sumiiffinni, angallatit motorinik ingerlatillit atorlugit angallannerimut inatsisit allat aqutugalugit maleruagassiuiffiusuni, maleruagassiat sukkulluunniit killilersuiffiunerusut atuutissapput.

§ 2. Inatsimmi matumani makku imatut paasineqassapput:

- 1) Illoqarfiit nunaqarfiillu killeqarfii: Illoqarfiit nunaqarfiillu nalunaarummi matumani tassaatinneqarput nunaminertat, kommuninut pilersaarummi illoqarfittut nunaqarfittullu siunertaqarfiusunut atugassanngortinneqartut.
- 2) Nunaannarmi: Nunaannaat nalunaarummi matumani tassaatinneqarput nunaminertat, illoqarfiit nunaqarfiillu avataaniittut, kangerluit imartallu sikuunermik nalaani nunaannarmiittutut naatsorsuunneqassapput.

- 3) Angallatit motorinik ingerlatillit: Qamutit larvefodinik assakaasunilluunniit ingerlatillit, sikukkut, aputikkut, qaqqatigut pinngortitamilu nunami allatut ilusilimmi angallatitut ilusiligaasut atorpeqartulluunniit.
- 4) Ajutoorneq: Assartuutit motorinik ingerlatillit suulluunniit angallatigineqarsinnaajunnaarpata, ajutoorpata, atorsinnaajunnaarpata imaluunniit ajoquserpata, angallassissutip sumiiffimmiit allamut ingerlasinnaajunnaarneranik kinguneqartumik.
- 5) Imeqarfimmut killeqarfik: Imeqarfimmit imermik pilersuiffiusumut immikkoortoq. Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq naapertorlugu imeqarfimmut killeqarfik illersugaavoq.

Assartuutininik motorinik ingerlatilinnik atuineq

§ 3. Assartuutit motorinik ingerlatillit atorlugit angallassisoqarsinnaavoq ukiukkut aqutigineqarsinnaasutut kommunalbestyrelsip akuerisai aqutigalugit, takukkit ilanngussat 1-imiit 5-imut. Nunap qaava pukkinerpaamik apummik 10 cm manngersumik imaluunniit 20 cm aqitsumik qallerneqarsimassaaq, qalleqqanerani lu naasut nunallu qaava ajortisarneqarsinnaanani. Nunap apummik qalleqqasariaqarneranut qerisimanissaanullu piumasaqarneq immap, tatsit, kuuit sikusimanerisa qaatigut ingerlanissamut atuutinngilaq.

Imm. 2. Angallatit motorinik ingerlatillit atorlugit imeqarfimmut killeqarfikkut aamma ukiukkut aqutigineqarsinnaasutut toqqarneqanngitsukkut ingerlaqqusaanngilaq, takukkit ilanngussat 1-imiit 5-imut.

Angallannermut ataatsimut aalajangersakkat

§ 4. Angallanneq pisinnaavoq taamaallaat nunap qaava pukkinerpaamik apummik 10 cm manngersumik imaluunniit 20 cm aqitsumik qallerneqarsimappat, qalleqqanerani lu naasut nunallu qaava ajortisarneqarsinnaanani.

Imm. 2. Imeqarfiup killeqarfiata iluani angallanneq inerteqqutaavoq.

Imm. 3. Nunaannarmi angalanermi naasunut aseruutaasinnaasumik sangupiloorfigineqassanngilaq, aallarsarfigineqassanngilaq unipiloorfigineqassananiluunniit.

Imm. 4. Kuuit sinaat uingarnillu kiisalu tatsit killingi, kuuit annerit kiisalu kangerluit ikaarneqartassapput, naasut nunallu ajoquserneqarfissarinngisaasigut.

Imm. 5. Angallannerni tamani uumasut eqqarsaatigineqassapput aamma tuttut, umimmaat savallu ataatsimoortut aamma nannut minnerpaamik 500 meterisut ungasitsigisumiitsillugit ingerlaartoqartassaaq.

Imm. 6. Qamutit motorillit nunaannarmi aserortoorpata piaarnerpaamik piginnittumit atuisumilluunniit peerneqassapput. Qamutit motorillit kommunalbestyrelsimit uparuarneqareersut peerneqanngippata qamutit motorillit piginnittumut akiligassanngorlugit namminerlu akisussaaffigisaanik kommunimit peerneqarsinnaapput.

Imm. 7. Imm. 1-imi aalajangersakkat naapertorlugit imaani, tatsini kuunnilu sikukkut ingerlaneq pissanngilaq.

Illoqarfinni nunaqarfinnilu angallanneq pillugu ataatsimut aalajangersakkat

§ 5. Qamutininik motorilinnik angallannermi, Kalaallit Nunaanni angallannermut inatsisini atuuttuni qamuteralaat ATV-llu atorlugit angallannerit ilaatinneqarput. Tamatuma saniatigut illoqarfinni nunaqarfinnilu angallannermut tulliuuttut atuupput:

Imm. 1. Majuartaateqarfinni, sisoraatinik ujakkaartarfinni, golfertarfinni, iliveqarfinni, mittarfinni, timersorfiusartuni arsaaffiusartunilu angallanneq inerteqqutaavoq.

Imm. 2. Illoqarfinni nunaqarfinnilu assartuutininik motorinik ingerlatillit aalajangersimasut immikkut ingerlasarfissaat kommunalbestyrelsimit akuersissutigineqarput, assartuutillu motorinik ingerlatsillit pineqartut atorlugit immikkut aqutigeqqusaasutigut ingerlasassapput.

Imm. 3. Qamuteralaninik angallassineq piffissami nal. 23:00 aamma nal 06:00 akornanni inerteqqutaavoq, taamaakkaluortoq Ittoqqortoormiini piffissamik killilersuisoqanngilaq.

Immikkut ittumik akuersissutit

§ 6. Pisuni immikkut ittuni atugassiissutigineqartut avataani assartuutit motorinik ingerlatillit atorlugit ukiukkut angallannermut killeqarfiit aammalu ukiukkut assartuinnermut aqutisatut akuerisani angalanissamut kommunalbestyrelse immikkut ittumik akuersissuteqarsinnaavoq, § 3 naapertorlugu.

Imm. 2. Immikkut ittumik akuersissuteqartoqarnissaanut qinnuteqaat tunngavilersugaq angalanissaq pilersaarutaasoq kingusinnerpaamik sapaatit akunnerinik sisamanik sioqqullugu kommunalbestyrelsimit tiguneqarsimassaaq. Qinnuteqaammut ilaatinneqassapput nunaminertaq atugassaq- imaluunniit angallavissap nalunaaqutsernera kiisalu angallassinissamut siu- nertarineqartoq.

Imm. 3 . Kommunalarbestyrelse immikkut ittumik akuersissuteqarnermut atatillugu naapertuuttutut isigineqarsinnaasunik piunasaqaateqarsinnaavoq.

Imm. 4 . Imm. 1 naapertorlugu akuersissutit sukkulluunniit kommunalarbestyrelsimit imaluunniit Naalakkersuisunit allangortinneqarsinnaapput utertinneqarsinnaallutilluunniit, immikkut ittumik akuersissuteqarnissamut piunasaqaatit unioqqutinneqarpata, imaluunniit kommunalarbestyrelsip Naalakkersuisulluunniit naliliinerat malillugu pissutsit pingortitamut avatangiisinullu ajoqusiisinnaasut pineqarpata.

Imm. 5. Immikkut ittumik akuersissutit ukioq ataaseq tikillugu tunniunneqartarsinnaapput.

Nakkutillineq il.il.

§ 7. Kommunalarbestyrelsip nalunaarummi uani malittarisassat malinneqarnerisut nakkutigisavaa.

Imm. 2 . § 4-mi angalanermut maleruaqqusat piffissap ilaani naammassineqarsimanngippata kommunalarbestyrelse inerteqquteqarsinnaavoq peqqussuteqarsinnaallunilu.

Imm. 3. Peqqussutit tassaasinnaapput angallaviit aalajangersimasut atornerqarnissaannik piunasaqaatit.

Imm. 4 . Inerteqqutit tassaasinnaapput sumiiffinni aalajangersimasuni piffissami aalajangersimasumi angallannerup tamarmi unitsinneqarnissaanik piumasaqaatit.

§ 8. Nalunaarut manna naapertorlugu aalajangikkat tamarmik Avatangiisit innarlitsaaliorneqarnissaat pillugu Inatsisartut peqqussutaanni nr. 9-mi, 22. november 2011-meersumi kapitali 14-imi malittarisassat naapertorlugit naammagittaalliuutigineqarsinnaapput.

Pineqaatissiinerit atuutilernissaanullu aalajangersakkat

§ 9. §3-mi imm. 1-imik aamma 2-mik, § 4 imm. 1-imik aamma 5-mik aamma § 5-imik, imm. 1-3-imik unioqqutitsineq akiliisitsinermik aamma/imaluunniit arsaarinninnermik kinguneqarsinnaapput.

Imm. 2. Piumasaqaatinik, § 6, imm. 3 naapertorlugu aalajangersarneqartunik unioqqutitsineq akiliisitsinermik kinguneqarsinnaavoq.

Imm. 3. § 7, imm. 2-4 naapertorlugit peqqussummik imaluunniit inerteqqummik unioqqutitsineq akiliisitsinermik kinguneqarsinnaavoq.

Imm. 4. Nalunaarummi akiliisitsinissamik pineqaatissiinissaq tungavissinneqarsimappat, akiligassiissut Kalaallit Nunaanni pinerluttulerinermut inatsimmi maleruagassat malillugit inuk inatsilerisoq akiliisinneqarsinnaavoq.

Imm. 5. Imm. 1-4 naapertorlugu akiliisitsissutit Nunap Karsianut nakkartinneqartassapput.

§ 10. Nalunaarut manna 2019-imi xx-ip ulluisa xx-anni atuutilerpoq.

Kommuneqarfik Sermersuumi Kommunalbestyrelsimit akuersissutigineqarput ulloq

Asii Chemnitz Narup
Borgmesteri

Assartuutit motoorinik ingerlatillit ukiumi nunaannarmi atorneqarneri pillugit Kommuneqarfik Sermersuumi ileqqoreqqusassatut matumuuna aalajangersarneqarput.

